

U skladu sa Lisabonskom i Bolonjskom deklaracijom i potrebama unaprjeđenja naučne i druge saradnje u oblasti visokog obrazovanja

**Fakultet za kriminalistiku, kriminologiju i sigurnosne studije Univerziteta u Sarajevu,**  
Ulica Zmaja od Bosne 8, 71000 Sarajevo, Bosna i Hercegovina, kojeg zastupa dekan prof. dr. Ramo Masleša

i

**Veleučilište Velika Gorica,** Ulica Zagrebačka cesta 5, 10410 Velika Gorica, Republika Hrvatska, kojeg zastupa dekan prof. mr. sc. Ivan Toth

zaključuju

## **SPORAZUM O SARADNJI**

### **Član 1.**

Fakultet za kriminalistiku, kriminologiju i sigurnosne studije Univerziteta u Sarajevu i Veleučilište Velika Gorica saglasni su da se saradnja odvija na području:

- dodiplomskih, specijalističkih i postdiplomskih studijskih programa,
- zajedničkog rada u stručnim i naučnim projektima, te sudjelovanjem na savjetovanjima, simpozijima i drugim stručnim i naučnim susretima, koje fakulteti organiziraju ili na njima sudjeluju,
- međusobne razmjene nastavnika i saradnika kao i međusobne razmjene studenata dodiplomskog i postdiplomskog studija studijskog programa,
- istraživačkog i stručnog rada studenata u okviru postojećih institucija,
- međusobne izmjene iskustava pri organiziranju obrazovnog i naučnog rada,
- međusobne izmjene stručne i naučne literature, prvenstveno udžbenika, magistarskih radova i doktorskih disertacija, odbranih na jednom ili drugom Fakultetu,
- saradnje stručnih službi pomenutih fakulteta,
- sudjelovanja studentskih organizacija pomenutih fakulteta.
- ostvarenja drugih ciljeva i zadaća koje proizilaze iz prirode spomenutih fakulteta kao obrazovnih i naučnih ustanova,

### **Član 2.**

Posebnim aktima kao aneksima osnovnog dokumenta o saradnji, Fakultet za kriminalistiku, kriminologiju i sigurnosne studije u Sarajevu i Veleučilište Velika Gorica odredit će konkretne programe, oblike i načine sudjelovanja u svakom pojedinom primjeru, u skladu s obostrano izraženim potrebama i interesima fakulteta.

### **Član 3.**

O finansijskim troškovima za izvršenje dogovorenih programskih aktivnosti na dodiplomskom, specijalističkom i postdiplomskom studiju kao i drugim oblicima edukacije, fakulteti će se dogovoriti potpisivanjem posebnog ugovora.

#### Član 4.

Realizovane aktivnosti će se ocjenjivati svake godine.

#### Član 5.

Ovaj sporazum se zaključuje na neodređeno vrijeme.

#### Član 6.

Ovaj Sporazum stupa na snagu na dan kada ga potpišu dekani oba Fakulteta.

#### Član 7.

Svaki Fakultet može predložiti izmjene i dopune ovog Sporazuma u pismenoj formi koje stupaju na snagu ako ih prihvate obje strane.

#### Član 8.

Svaki Fakultet može pismeno raskinuti Sporazum obavještavajući o tome drugi Fakultet u pismenoj formi najmanje šest mjeseci prije nego što namjerava da ga okonča. Sporazum se ne može prekinuti prije završetka godišnjeg programa.

#### Član 9.

Pitanja koja nisu obuhvaćena ovim Sporazumom riješit će se obostranim dogovorom i svaka od strana potpisnica obavezuje se da će održavati komunikaciju, uložiti dobru volju, fleksibilnost i adaptivnost u realizaciji ovog Sporazuma.

#### Član 10.

Ovaj Sporazum je sačinjen u četiri (4) primjerka.  
Svaki Fakultet zadržava po dva (2) primjerka.

U VELIKOJ GORICI, dana 04.10.2011.

Dekan Fakulteta za kriminalistiku,  
kriminologiju i sigurnosne studije  
Univerziteta u Sarajevu

Prof. dr. Ramo Masleša

Broj: 01-03-2156/11

Dana: 12-10-2011

Dekan Veleučilišta Velika Gorica

Prof. mr.sc. Ivan Toth

